



Antiquae Lectionis Tomus ...

In Qvo XVI. Antiqua Monvmenta Ad Historiam Mediae Aetatis Illvstrandam,
Nvnqvam Edita

Canisius, Heinrich

Ingolstadii, 1601

Epistola XIV. Det tibi perpetuam in secla salutem, Et decus imperij,
David amate, Deus.

[urn:nbn:de:hbz:466:1-64144](https://nbn-resolving.org/urn:nbn:de:hbz:466:1-64144)

refecerunt. Et licet aliquid reprehensibile sequenti serie de meis cantassent literulis, tamen omnia melliflua dulcedine hausi: dum hoc desiderabile, & multum mihi amabile in primo capite nomen apparuit, gratissimum mihi etiam fore fatebor, vt sic vel beatitudinis vestræ syllabas merear osculari; vt quod perpetua, & inuiolata nō potuit promereri dilectio, saltem reprehensionis materia subito extorqueret: sciens meliora esse vulnera diligentis, quā fraudulenta oscula odientis.

Nec mirum, si tarditas aselli sustineat in dorso flagellū, Ego, tardus, ego meimetipsum immemor, vestrorum forsitan dignè puerorum sustinui flagellum. Entellus senior cæcto corpore dudum cæstus deposuit suos, & ætate florentibus cedit illos indui. Ideo aliquis illorum seniore & ingenti pugno percussit: ita vt caligo obuersaretur oculis senioris, & vix resumptis viribus frigidus circa præcordia recaluit sanguis. Et, vt ad rem veniam, ac ignorantie fomentis caput percussi medicari incipiam. Ego imperitus, ego ignarus, nesciens Ægyptiacam scholam in Palatio Dauidicæ versari gloriæ.....

*Videtur finis
desse,*

EPISTOLA XIV.

*Det tibi perpetuam in secla salutem,
Et decus imperij, DAVID amate, Deus.*

VENERANDÆ auctoritatis vestræ omni melle dulciores apices per aridos BELGICÆ latitudinis itæ agenti campos occurrerunt mihi, in quibus dura vestræ beatitudinis prosperitatem legens intellexi, & fidelium vestrorū amabilem perspexi salutē, totum me in gratiarum actiones Domino DEO IESU CHRISTO contul-

li; felicia Christiano populo tempora, in vestra felicitatis exaltatione & salute, certissimè sciens, pro qua semper Deum deprecari gaudeo, eandem semper audire desidero, & quasi optatum, à Deoq; destinatum munus, omnino gaudeo, vestram incolumitatem cupiens semper audire. Quis enim est, qui non gaudeat de sui capitis perfecta integritate, nisi fortè furibundus, vel insanus? Et si iuxta Apostoli ^{Ephes. 6.} sententiam, Nemo carnem suam odio habet, sed eam fouet, & nutrit: quantò magis in capitis sanitate, in quo est totius corporis perfectio & gloria, omnis membrorum cōpago congaudere debet?

EPISTOLA XV.

Sanctissimis in Christo fratribus, & beato Martino confessori Christi seruiantibus.

HVMILIS LEVITA ALCVINI
salutem.

IX quo vestram beatitudinem scire potui, semper amare volui. quia sanctitas vestra cordi meo amorem infundit vestri, optans vnus esse ex vobis, vt si meritis esse nequiuissimè, charitate tamen fraternæ dilectionis coniunctus essem, quatenus in die magno resurrectionis omnium particeps essem eorum, quos tantus pastor suo Regi præsentabit. O felix familia, tali gaudente pastore, talem habens in die Domini ductorem. Felix, qui eius tota voluntate sequitur vestigia, vt illius inhærens præceptis, ipsius mereatur consociari gloriæ. Vt hoc fieri valeat, nulla vos seculi concupiscentia; nullum carnale desiderium abstrahat: nec vestra salutis vosmetipsos negligentes esse

E 3 decet: